

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件广告宣传页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>




www.docsriver.com 商家 本本书店
内容不排斥 转载、转发、转卖 行为
但请勿去除文件广告宣传页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>





不空絹索神呪心經

唐三藏法師玄奘譯

不空絹索神呪心經



清刻龍藏佛說法變相圖

不空絹索神呪心經

過十

唐三藏法師玄奘譯

如是我聞一時薄伽梵在布怛洛迦山觀自在
 在宮殿其中多有寶娑羅樹耽摩羅樹瞻博
 迦樹阿輸迦樹極解脫樹復有無量諸雜寶
 樹周布莊嚴香華^{過十}輦草處處皆有復有無量
 寶泉池沼八功德水彌滿其中衆華映飾甚
 可愛樂復有無邊異類禽獸形容殊妙皆具
 慈心出種種聲恒如作樂與大苾芻衆八千
 人俱九十九俱胝那庾多百千菩薩摩訶薩
 無量百千淨居天衆自在天衆大自在天衆
 大梵天王及餘天衆無量百千前後圍繞聽
 佛說法爾時會中有一菩薩摩訶薩名觀自
 在從座而起整理衣服偏袒一肩右膝著地
 合掌向佛面目熙怡開顏含笑而白佛言我

有神呪心名不空絹索我於往昔第九十一劫時有世界名殊勝觀其中有佛名世主王如來應正等覺明行圓滿善逝世間解無上丈夫調御士天人師佛薄伽梵彼佛世尊憐愍我故爲我說此大神呪心時我受持威神力故常爲無量淨居天衆自在天衆大自在天衆大梵天王及餘天衆無量百千恭敬供養尊重讚歎我皆化被令趣無上正等菩提我依如是功德力故便獲十億不空妙智上首莊嚴大三摩地由斯定力現見十方無量無數諸佛世界一切如來及諸衆會皆往供養聽聞正法展轉教化無量有情皆令發心趣無上覺故此呪力不可思議能救衆生無量苦難諸有智者皆應受持世尊若他方所有此呪心當知是處有自在天大自在天梵

天王等而爲上首與十二億諸天神衆常共守護恭敬供養如佛制多不令暴惡諸鬼神等遊止其中世尊隨何國邑流行如是不空絹索神呪心經當知此中諸有情類已於無量俱胝那度多百千諸佛所種諸善根乘大願力而來至此世尊若有衆生造諸重罪習行惡法毀辱賢聖誹謗正法當墮無間大地獄中經無數劫受諸劇苦諸佛菩薩獨覺聲聞雖具神通而不能救彼若聞此神呪心經能生悔愧終不更造若彼復能經一日夜受持齋戒誦此呪心所作罪業現世輕受不復當墮無間地獄云何證知彼現輕受不墮地獄謂若忽遭寒熱等病或經一日或經二日或復乃至經於七日或患眼痛耳痛鼻痛齒疼牙痛脣痛舌痛或斷齧痛或心胃痛或腹

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



齋痛或膏脊痛或脇腋痛或陰臆痛或胫膝痛或支節痛或手足痛或頭面痛或咽項痛或肩膊痛或遭風病氣病痔病痢病痲病或遭癩癖白癩重癩及諸疥癬或得炮瘡甘瘡華瘡漏瘡毒瘡或遇癰腫遊腫疔腫癰腫毒腫或患顛癩或患甘濕或被鬼魅或被厭禱或被呪詛或被毒藥或被囚繫或被枷鎖或被打罵或被誹謗或被謀害或被恐怖或復遭餘種種增減不饒益事以要言之所有逼切身心苦惱及見惡夢由此證知彼現輕受不復當墮無間地獄所造罪業悉得消除如是衆生由斯呪力尚現輕受重罪消除況餘有情身心清淨聞持此呪而不獲福先世罪業亦得消除現在未來常受快樂世尊若有四衆或四姓等設以諛曲誑詐心故聽聞如

是神呪心經受持讀誦書寫供養爲他讚說教令聽受乃至自往畜生耳邊慇懃念誦令彼得聞復審思惟此呪章句不毀謗故不取相故無分別故無等起故不遲行故無爲作故離染汙故平等心故無增減故離五蘊故由此方便於諸佛所復修隨念彼由如是功德力故於十方面各有千佛來現其前教令悔除先所作罪所有祈願皆令滿足若有不能如上所說乃至書此神呪心經置於舍中禮拜供養亦得無量無邊功德世尊若有衆生爲勝他故或怖主故怖怨讎故怖惡獸故怖危難故或隨他故或求高貴多財寶故聽聞如是神呪心經雖復聽聞而不恭敬或復誹謗輕賤毀訾智者應知非其自力是觀自在威神力故令彼耳聞爲令彼得現在未來

利樂事故世尊譬如有人採沉取麝或復栴檀龍腦香等種種誹謗輕賤毀訾而復擣磨用塗身體然沉麝等不作是念彼凌懾我不與其香而性自然恒作香事此神呪心亦復如是雖有誹謗輕賤毀訾或如上說以詭詐心書寫受持恭敬供養而亦作彼善根因緣今彼當來隨所生處具戒定慧功德妙香亦能爲他作斯香事故此神呪威德難思信謗俱能作饒益事世尊若善男子或善女人及苾芻苾芻尼鄔波索迦鄔波斯迦或餘人輩過十白月八日受持齋戒專心誦此大神呪心乃至七遍不雜異語當知是人現世定得二十勝利云何二十一者身無衆病安隱快樂二者由先業力雖有病生而速除愈三者身體細軟皮膚光澤面目鮮明四者衆人愛敬五

者密護諸根六者多獲財寶隨意受用七者所得財寶王賊水火不能侵損八者所作事業皆善成辦九者所有種植不畏惡龍霜雹風雨十者若有稼穡災橫所侵以此呪心呪灰或水經七遍已於其中八方結界上下散灑災橫爾時皆即除滅十一者不爲一切暴惡鬼神羅刹斯等吸奪精氣十二者一切有情見聞歡喜愛樂尊重常無猷足十三者常不怖畏一切怨讎十四者設有怨讎速自消滅十五者人非人等不能侵害十六者厭魅呪詛蠱道不著十七者煩惱纏垢不數現行十八者刀毒水火不能傷害十九者諸天善神常隨衛護二十者生生不離慈悲喜捨彼得如是二十勝利復獲八法何等爲八一者臨命終時見觀自在菩薩作苾芻像來現

其前歡喜慰喻二者安隱命終無諸苦痛三
者將捨命時眼不反戴口無欠吐手絕紛擾
足離舒捲不泄便穢無顛墜牀四者將捨命
時住正憶念意無亂想五者當命終時不覆
面死六者將捨命時得無盡辯七者既捨命
已隨願往生諸佛淨國八者常與善友不相
捨離世尊若善男子善女人等能斷酒肉及
諸葷辛不食殘穢身常清潔日日三時轉誦
如是不空繭索神呪心經彼勝功德晝夜增
長若能於法捨慳悋心無嫉妬意專為利樂
一切有情觀諸衆心有力無力如應為說此
神呪經當知是輩速證無上正等菩提墮諸
菩薩摩訶薩數是則名為菩提薩埵言菩提
者所謂般若言薩埵者即是方便如是二法
於諸有情能作一切利益安樂世尊我今為

欲利益安樂四部衆故及為除滅諸惡有情
所造罪故於如來前說此神呪惟願世尊哀
愍聽許
爾時世尊告觀自在菩薩摩訶薩言大衆清
淨知時應說我亦隨喜此神呪心是當來世
菩薩父母今諸菩薩所作事業速得成辦亦
令一切所怖畏事疾得除滅爾時觀自在菩
薩摩訶薩蒙佛聽許歡喜踊躍瞻仰尊顏目
不暫捨合掌恭敬而白佛言此神呪心是諸
菩薩所應尊重恭敬供養為最解脫圓滿法
門作諸衆生利益安樂諸欲受持此呪心者
應先敬禮過去未來現在諸佛及諸菩薩獨
覺聲聞復應敬禮正至正行復應敬禮舍利
子等諸大聲聞復應敬禮聖慈氏等諸大菩
薩復應敬禮無量光佛復應敬禮佛法僧寶

復應敬禮聖觀自在菩薩摩訶薩具大悲者
既敬禮已復應念言此神呪心名不空繡索
是觀自在菩薩於如來前在大眾中親自演
說我今讀誦令我一切所作事業速得成辦
令我一切所怖畏事疾得除滅作是念已即

讀誦言

怛經他 闍 折洛折洛 止履止履 主

魯主魯

稽首具大悲者

薩洛薩洛 死履死履 止履止履 鼻履

鼻履

稽首大蓮華手

羯邏羯邏 吉利吉利 屈路屈路

稽首大淨有情

渤經渤經 柁婆柁婆 緊尼緊尼

稽首極淨有情

羯洛羯洛 枳利枳利 矩魯矩魯

稽首得大勢者

折邏折邏 珊折邏珊折邏 毗折邏毗折

邏 鑿晰吒鑿晰吒 跋洛跋洛 鼻利鼻

利 部魯部魯 鑿四鑿四

稽首大悲大獸王相

達洛達洛 薩洛薩洛 折洛折洛 鉢洛

鉢洛 喝洛喝洛 呵呵四四 呼呼 翦

迦洛

稽首大梵王相

達洛達洛 地利地利 杜魯杜魯 怛洛

怛洛 薩洛薩洛 鉢洛鉢洛 筏洛筏洛

稽首百千光莊嚴身

什筏邏什筏邏 荅播荅播 薄伽梵

稽首日月琰摩筏魯拏矩羅釋梵與財等天
仙眾所供養之

沫洛沫洛 弭履弭履 母魯母魯 宰魯

宰魯 主魯主魯

稽首薩捺童子魯達羅衣毗瑟怒達捺陀仙

那藥迦毗那藥迦眾多形相

達洛達洛 地履地履 杜魯杜魯 闍洛

闍洛 揭洛揭洛 鉢洛鉢洛 拙洛拙洛

刺洛刺洛 喝洛喝洛 沫洛沫洛 筏

洛筏洛

稽首與願普觀勝觀世自在大自在

母呼母呼 母魯母魯 母耶母耶 悶遮

悶遮 洛又洛又

稽首能令我及有情解脫一切怖畏解脫一

切厭盡解脫一切災橫解脫一切疾病解脫

一切邪魅魍魎解脫一切怨家殺縛恐喝捶

打解脫一切王難賊難解脫一切水火風難

解脫一切刀毒等難者

羯拏羯拏 緊尼緊尼 屈怛屈怛 折洛

折洛

稽首能開示一切根力覺支道支四聖諦者

荅摩荅摩 颯摩颯摩 沫娑沫娑

稽首能除諸大黑闇生長滿足六波羅蜜多

者 弭履弭履 吒吒吒吒 詫詫詫詫

置置置置 澍澍澍澍

稽首被服鑿泥耶皮具大慈悲自在大自在

能破一切惡鬼神者速來速來救護我等

矩盧矩盧 鉢洛鉢洛 薩洛薩洛 羯洛

羯洛 羯吒羯吒 沫吒沫吒

稽首住淨土具大悲者身佩白吉祥縷頸帶

衆寶瓔珞首冠華鬘寶冠於寶冠中當于頂上有一切智像手執希有大寶蓮華於諸靜慮等持解脫衆妙功德皆不傾動善能成熟一切有情具大慈悲能除一切業障能救一切病苦普能安慰一切有情

闍頡利怛賴路迦毗闍耶 唵暮伽播奢

頡利達耶 唵鉢刺底喝多 菴沛莎訶

納莫阿慕伽耶莎訶 納莫阿氏多耶莎訶

納莫阿鉢羅氏多耶莎訶 納慕筏洛鉢

刺柁耶莎訶 納莫薩婆羯磨悉達曳莎訶

菴杜耶 顛莎訶

此神呪心誦必有驗能受持者所欲皆成諸有日日三時各誦一百八徧五無間罪定得除滅一切業障無不清淨欲念誦時應先結界其結界法取灰或水或白芥子或擔山椽

呪七徧已遺釘四方燒沉水香至心念誦諸患寒熱及瘡病者應呪結縷二十一遍繫頸或臂即得除愈
諸有病者呪酥或油或復呪水二十一遍與之令服即得除愈

諸欲解他厭禱呪詛取泥或麵或蜜蠟等作彼形像口誦此呪手執剛刀深慈愍彼而斷截之復以呪縷繫被厭身令諸怖畏即得除愈
諸患腹痛應呪鹹水與之令服即得除愈
諸遭蠱毒或蛇蠍等之所蛆螫呪水令飲呪泥塗之即得除愈

諸患眼痛應呪白縷繫其耳上即得除愈
諸有牙齒患疼痛者應呪羯羅鼻羅木二十一徧已而嚼指之即得除愈
諸怖畏處應當結界而住其中其結界法呪

五色縷二十一徧纏擔山楸釘著四隅即得無畏

諸欲自護應以呪縷帶之於體或呪水灰灑散身上

諸有鬼神魅著身者呪五色縷常用帶之即便捨離

諸患一切瘡腫等病取葦茛末和蜜而呪二十一遍用塗其上即得除愈

諸患眼者應呪香水或甘草水鉢邏奢水二十一遍而用洗之即得除愈

諸患耳鼻應^{過十}呪煎油二十一遍^十滴耳鼻中即得除愈

諸有鬪競怨讎誣枉種種官事之所逼惱應呪淨水二十一遍洗面灑身即得和解
諸有國土王都城邑災難起時應結道場牛

糞塗地香湯遍灑於場四角各置一瓶於其瓶中置華及水以新淨草敷布場中用美果食陳列其上作麵燈盞香油淨炷然置四隅以衆名華遍散場內燒上妙香而為供養其誦呪者香湯沐浴著新淨衣坐鮮潔座端身正念誦此呪心主若至誠災難便息

諸有疾疫妖祟等處呪瓶中水灑處及身一切災患皆悉除滅

若被厭魅以瓶中水磨梅檀香呪三七遍用塗心上厭魅便息

若常念誦此神呪心四重五逆謗法等障咸得除滅

欲護國宅使無災危應取蓮華一百八枚各呪一徧投火壇內供養賢聖災危並息國宅安隱

若欲令他慈心於已不生嫌疾應取梅檀一百八枚並長二寸各呪一遍投火壇內供養賢聖能令彼人愍已無恨

若恐疾疫鬼魅著身應取社耶藥毗社耶藥那矩梨藥健陀那矩梨藥婆刺尼藥唵跋耶波尼藥因達羅波尼藥健陀畢利樣瞿藥須揭藍藥斫訖羅藥莫訶斫訖羅藥毗瑟怒訖爛多藥素摩羅時藥蘇難陀藥闍延底藥白檀香藥舍利摩藥舍利婆藥喝悉底婆刺尼藥喝麗怒迦藥健陀須揭藍藥金剛藥黑藍藥筏邏呵訖爛多藥如是諸藥細搗絹篩水和為丸形如大棗呪百八遍置於頂上或繫兩臂疾疫鬼魅皆不著身
若有小兒邪氣魍魎所驚怖者呪此藥丸一百八遍繫於咽下便不驚怖

若有女人薄福所致人皆憎厭呪此藥丸一百八遍和水澡浴惡相皆除衆人愛敬身穢惡病亦得除愈

諸有婦人求生男者呪此藥丸一百八遍繫其身上或和水浴便得生男

若呪藥丸繫在身上刀毒水火惡獸怨家厭魅蠱道一切災橫皆不為害

若患瘡腫呪此藥丸一百八遍和水塗之便得除愈

若遇惡風暴雨災電呪清淨水二十一徧散灑四方或呪羯羅毗羅木枝二十一徧口仍誦呪向四方搗風等便止

此觀自在大神呪心雖不受持但依前法誦必有驗若能受持所作事業無不成辦欲受持者以新白氈應長一丈而闊五尺總一段

成勿斷經縷畫作佛像所用彩色應和香膠十二
自外諸膠咸不得用佛像右邊應復畫作觀
自在菩薩似大自在天頂有蠡髻首冠華冠
鑿泥耶皮被左肩上自餘身分瓔珞環釧而
爲莊嚴畫師應須澡浴香潔著新淨衣離雜
穢食專精齋戒淨處畫之應以此像置清淨
處於其像前牛糞塗地縱廣丈六四方齊正
於其壇內純散白華以八淨瓶各受一升盛
華香水安置八方復於八方敷八草座一一
座上置一分食於八座邊一一各置八分之
食其所供食盡世香美皆得用之唯除葷辛
血肉酒等諸雜穢物復燒沉香至誠供養受
持呪者先當三日三夜斷食如其不能但一
日夜於日日中三時澡浴若大小便別更澡
浴著新淨衣食三白食所謂乳酪及白粳米

食訖澡漱往佛像前燒沉水香至誠頂禮專
心誦此大神呪心滿八千徧爾時行者自見
其身遍放光明猶如火燄見是事已歡喜踊
躍時觀自在便現其前隨所願求皆令滿足
若欲自隱應呪雌黃或安繕那滿八千遍研
以塗眼若欲乘空應用塗足由斯呪力證不十三
空智而爲上首莊嚴等持既獲此定凡作事
業無不成辦爾時世尊讚觀自在菩薩摩訶
薩言善哉善哉汝今憐愍一切有情說此神
呪欲令皆得利益安樂我深隨喜時薄伽梵
說是語已觀自在菩薩摩訶薩淨居天衆自
在天衆大自在天衆大梵天王及餘天衆聲
聞菩薩皆大歡喜信受奉行

不空絹索神呪心經

不空絹索神呪心經後序

不空絹索神呪心經者斯蓋三際種智之格
言十地證真之極趣也裂四魔之偏畧折六
師之邪幢運諸子之安車詣道場之夷路者
何莫由斯之道也況乃剽當累穢宿殃清衆
瘼懷庶福者乎是以印度諸國咸稱如意神
珠諒有之矣題稱不空等者別衆經之殊號
也至如擲絹取獸時或索空茲教動桴罔不
玄會故受斯目也運極無方曰神驚救羣物
稱呪名色所依號心雖復乘開一五藏啓二
三其能應通動植絲綸法界者咸用取則茲
旨歸往斯誥也是故經云此身如城心王處
中又至功離相妙極殊方有類於心故膺茲
稱也是以經云如衆生心識體雖是有而無
長短方圓等相斯故羣藉之中心無相之妙

極者也然此神典北印度國沙門闍那崛多

已譯於隋紀于時寶曆創基傳匠蓋寡致令

所歸神像能歸行儀并呪體能俱存梵語遂

使受持之者疲於用功渾肴莫晰惟今三藏

玄奘法師奉詔心殷為物情切爰以皇唐顯

慶二年五月旦日於大慈恩寺弘法苑重更

敷譯庶諸鑑徒悟夷險之殊徑矣

音釋

經

齋徂奚切與臍同臛苦官切臛股間也臚部禮切臚股也癩呂員切病

也癩芳辟切臛於容腫之臚切臚文紡切癩子烈切癩瘡也懷

莫結切經徒結魁魁魁良切魁文紡切丑女六切詫

丑亞切躃陟降切蛇蛇食遮切蛆七余切豨落

屬切并澡澡子皓切漱蘇奏切

後序

剽子小切
 絕也
 穢子廉切
 壺也
 瘼慕各切
 病也
 桴音夫
 晰列之

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件广告宣传页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>

